



養餘月令 卷十九

十一月

測候

是月建子。子孳也。謂陽氣至此更孳生也。管謂黃鍾黃。陰陽之中色也。鍾種也。謂陽氣施種。孳萌萬物也。晉樂志

廣莫風居北方。廣莫者。言陽氣在下。陰莫陽廣大也。東至於虛。虛者。能實能虛。言陽氣冬則宛藏於虛。日冬至。則一陰下藏。一陽上舒也。東至於須女。



須女者。言萬物變動其所。陰陽氣未相離。尚相如胥也。其於十母爲壬癸。壬之爲言任也。言陽氣任養萬物於下也。癸之爲言揆也。言萬物可揆度也。
律書

王狩。陳筋革。嗇人不從。隕麋角。夏小正

小雪後十五日。斗指壬爲大雪。言積陰爲雪。至此栗烈而大矣。後十五日。斗指子爲冬至。陰極而陽始至。日南至。漸長至也。孝經緯

仲冬行夏令。則其國乃旱。氛霧冥冥。雷乃發聲。行

秋令。則天時雨汁。瓜瓠不成。國有大兵。行春令。則蝗蟲爲敗。水泉咸竭。民多疥癘。月令

大雪之日。鷓鴣不鳴。又五日。虎始交。又五日。荔挺出。鷓鴣鳥鳴。羣鴉塞賢。虎不交。犛獨失天。荔挺不出。卿士專權。冬至之日。蚯蚓結。又五日。麋角解。又五日。水泉動。蚯蚓不結。君政不行。麋角不解。兵甲不藏。水泉不動。陰不承陽。逸周書

是月日月蝕。主人畜災。魚鹽米貴。燕國惡。京房占
是月中。遇東南風。謂之歲露。有大毒。若饑感其氣。

開春後多瘟症。筆談

是月雨雪多。則來春米賤。無則米貴。又冬至前米貴。則後必賤。賤則必貴。諺云。冬至前米價長。貧兒受長養。冬至前米價落。貧兒轉蕭索。

冬至日晴和。主來歲豐稔。有雪。主大盜橫行。兵革不息。晴則年必雨。雨則年必晴。此屢驗也。

冬至日驗種粒。將各樣穀。及菓菜等種。各平量一升。盛以布囊。埋土內陰處。至立春後取出。驗其多出者。則知來歲所宜。如少於前則無收。農桑輯要

冬至日。數至元旦五十日者。民食足。有餘日。一日增一升。不滿五十日者。遞減歲荒。四時纂要

是月朔日。值大雪。冬至。皆主凶災。有風雨宜麥。

是月初十十一十二日。得壬。五穀不成。

經作

是月天道東南行。作事出行。宜向東南吉。月纂

耕秧田。凍曬過冬。則土蘇而肥。又宜燒荒。

挑塘溝濠堰。卽以其泥曬翻之。或以糞穰穢水。調

潑和會。至於來春糞田。栽花種蔬藥皆可。

難消炭。以竈燒木柴。取出罈閉成炭。不拘多少。搗爲末。用塊子石灰化開。同炭末和勻水調。打成炭塹。曬乾燒用。終日不消。

獸炭。取細骨炭十斤。鐵屎塊十觔。生芙蓉葉三觔。合搗爲末。糯米粥和成劑。塑作麒麟獅子之形。曬乾。每燃一枚。三日不滅。如不用。以灰掩之。

留宿火法。用好胡桃一枚。燒半紅。埋熱灰中。三五日不滅。

冬至煎餚。綵珠戴一陽中。

冬至日鑽燧取火。可免瘟疫。簡易方

是月初十日。宜拔白髮。

十一日。天倉開。宜入山修道。修啟福齋。仙經

藝種

京師黃芽菜法。以白菜割去梗葉。止留菜心。離地二寸許。以糞土壅平。用大缸覆之。缸外以土密壅。勿令透氣。半月後取食。其味最佳。薑芽蘿蔔芽。其法亦同。

壅茴香苧麻之類。

烹製

是月也。省乃命大酋。秣稻必齊。麴蘖必時。湛熾必潔。水泉必香。陶器必良。火齊必得。月令

蜜筍。每筍十斤。和殼煮七分熟。去壳。隨意切成花樣。用蜜半斤。浸一時許。漉乾。却用蜜二三斤煎滾。掠去沫。入筍拌勻。于磁器內收貯。久留不壞。

糖蘇木瓜。大者一對。去皮切作瓣。白鹽一兩。新紫蘇葉二兩。淨洗曬乾切細。同醃少時。再入生薑四兩。去皮切絲。白糖二十兩。一處拌勻。磁器中盛。日

中曬乾。時時拌勻為度。居家必用

糖煎藕。大藕五斤。洗淨碎切。日曬出水氣。入沙糖五斤。金櫻末一兩。同入磁甌內。又入蜜一斤。用泥緊封甌口。慢火煮一伏時。待冷開用。

煮芡實法。用生芡實。口咬去壳。仍將利器刮去皮極淨。針尖挑去黑心。每用時。先夜滾水泡下。莫動。臨用。入砂銚煨數滾。即熟。白大而酥。汁亦香美。

豬蹄膏。用肥豬膀蹄及爪一隻。淨洗去毛壳。于砂銚內。着水煎熬。文武火不住。自晨至午極爛。取出

去骨。砍如泥。仍放餽內。下醬油一斤。熬至晚。則膏成矣。方取出。用細麻布袋盛。滴清汁於小鉢內。令其自凍。用時先去面上油脂。作包餡甚妙。其着底。色如琥珀可愛。切方塊入供。是時可停旬餘。入春天暖。則易化。且不凍也。雞魚亦可倣作。止下淨鹽。不用醬油。色白如水晶。魚宜多薑。乃不腥。

火肉法。以圈猪方殺下。只取四隻精腿。乘熱用鹽。每一斤肉。鹽一兩。從皮擦入肉內。令如綿軟。以石壓竹柵上。置缸內二十日。次第三番五次。用稻艸灰。一重間一重。疊起。用稻艸烟薰。一日一夜。掛有烟處。初夏以水浸洗。仍前掛之。

烘肉。用好猪肉。醃二三日。以酒醋頻番口噴數次。過數日。取出控乾。入百沸湯內蘸一下。急提起。趁熱。以香油勻刷上。掛烟頭薰半乾。又用臘糟加酒拌勻。塗肉上。再醃十日。取出掛烟頭上。候乾用之。烘羊肉亦依此法。

醃肉法。每肉一斤。用鹽兩半。擦之。壓五六日。入酒糟。或濁酒。翻轉再壓五日。背陰處晾乾。若生百瘡。

以泥封一宿。煑如故。黑豆中藏。可過夏。如上白臙。亦以泥封之。

臘肉。取肥嫩獐猪肉十斤。切作二十段。鹽八兩。酒二斤。調勻。猛力搥入肉中。令如綿軟。大石壓去水。晾十分乾。以剩下所醃酒。調糟塗肉上。以篾穿掛通風處。又法。肉十斤。先以鹽二十兩煎湯。澄清取汁。置肉汁中二十日。取出掛通風處。

醃猪舌。每斤用鹽半兩。酒一盞。川椒。蒔蘿。茴香。少許。葱絲拌醃。五日。番三四次。取掛透風處。候乾。以

紙盛收。

醃鴨蛋。雌鴨無雄。宜多餵豆麥。肥壯則生蛋。自冬至起。至清明前。皆可醃藏。每百枚。用鹽十兩。灰三升。以蛋蘸米飲。滾收乾甕中。

治醬味不正。取冬月霜。投醬中如舊。通攷

調攝

仲冬之月。寒氣方盛。勿傷水凍。勿以炎火炙腹背。毋發蟄藏。順天之道。卦復。復者反也。陰動於下。以順上行之義也。君子當靜養。以順陽生。是月生氣。

在戊。坐臥宜向西方。

仲冬腎氣旺。心肺衰。宜助肺安神。調理脾胃。無乖其時。勿暴溫煖。勿犯東南賊邪之風。令人多汗。腰脊強痛。四肢不通。雲笈七籤

記云。是月也。日短至。陰陽爭。諸生蕩。君子齋戒。處必掩身。欲安寧。去聲色。禁者欲安形性。事欲靜。以待陰陽之所定。凡此以微陽方生。陰未退聽。陰陽相爭而未定。故君子當齋戒以待之。凡事與夏至同。此又當謹之至者。彼只言節者。此却言禁。蓋仲

夏之陰猶微。而此時之陰極盛。陰微則微陰未至於甚傷。陰盛則微陽當在於善保。故坤復之月。宜靜攝為最。月令解

是月也。一陽來復。陽氣始生。喻身中陽氣初動。火力方微。要不縱不拘。溫溫柔柔。播施於鼎中。當撥動頂門。微微挈之。須臾火力熾盛。逼出真鉛。炁在箕斗東北之鄉。火候造端之地。

子月火氣潛伏閉藏。以養其本然之真。而為來春發生升動之本。此時若戕賊之。至春升之際。下無

根本。陽氣輕浮。必有溫熱之病。保生心鑑

是月腎臟正旺。心肺衰微。宜增苦味。絕鹹。補理肺

胃。閉關靜攝。以迎初陽。使其長養。以全吾生。孫真人

人修養法

是月坐功。勢以一手托膝。反折。一手抱頭。前後左

右為之。凡三五度。去骨節間風。宜通血脈。膀胱腎

臟之疾。靈劍子導引

至日勿多言。當閉關靜坐。以迎一陽之生。不可動

作。禮儀志

至日於北壁下。厚鋪艸而臥。以受元氣。

至後陽氣始萌。陰陽交精。萬物氣微在下。不可動

泄。五經通義

冬至後。陽氣歸內。腹宜溫暖。熱物入胃。易消化。

至日。取葫蘆盛葱根莖汁。埋於庭中。夏至發開。盡

為水。以漬金玉銀石青各三分。自銷暴乾如飴。可

休糧。久服名曰金液漿。

水芝湯。取乾蓮實一斤。帶皮炒極燥。搗羅為細末。

粉艸一兩。微炒。俱為細末。每二錢入鹽少許。沸湯

點服。蓮實搗羅。至黑皮如鐵不可搗。則去之。世人用蓮實去黑皮。多不知也。此湯冬夜久坐。過饑氣乏。不欲取食。則飲一盞。大能補虛。通心氣。益精髓。昔仙人務光子服此得道。

兔雉二味性寒。食之多損。唯此月可食。有所補益。是月初十日。取枸杞葉煎湯洗浴。至老光澤。十五十六日。俱宜沐浴。雲笈七籤

栽剝

種核桃。是月揀核桃。殼光紋淺。體重者作種。掘地

二三寸。鋪瓦一片。人糞一勺。覆土踏實。水澆之。冬下凍裂殼。來春自生。下用瓦者。使無入地直根。好移栽也。

冬至日早。以糟水澆海棠花根。則花葉俱茂。瑣碎錄

冬至已後。至臘盡。凡松杉檜栢杞柳。榆槐棠杜楮櫟等樹。雖本大土小。移植亦活。交春以後。則不及也。但不可蔭水。恐其凍傷。農桑通訣

藥餌

是月可服補藥。不可餌大熱之藥。宜早食。宜進宿熟之肉。千金月令

至日。以赤小豆煮粥。合門食之。可免疫氣。歲時雜記

是月初十日。以銀杏葉或桑葉。洗眼明甚。

收採

是月也。農有不收藏積聚者。馬牛畜獸有放佚者。取之不詰。山林藪澤。有能取蔬食田獵禽獸者。野虞教道之。月令

收藏紅棗。將大磁缸一隻。刷洗淨。拭乾。燒熱。米醋澆缸內。蕩令勻。控乾。又以熟香油。勻擦缸口。於缸底鋪粟稗艸一重。棗一重。中心四圍亦令艸閒蓋。不可重壓。亦不生蛀虫。

藏猪肉如鮮。先以小麥煮滾湯。淋過控乾。每斤用鹽一兩擦醃。二三日。番一度。半月後。以好糟醃一二宿。出甕。用元醃汁水淨洗。懸淨室無烟處。二十日後。半乾濕。以故紙封裏。用去汁曬乾。淨灰。于大甕中。一重灰。一重肉。裝滿蓋合。置涼處。經歲如新。

煮時用米泔浸一時。刷淨下鍋。慢火煮之。

採烏相子。以熟為度。採須連條剝之。但留指大以

上枝。其小者縱無子。亦宜剝去。則明年枝葉繁盛。

人家園舍之傍。若植數株。則一歲膏油足用。且植

可壅田。樹久不壞。為利最溥。農遺雜疏

野蘿蔔。葉似蘆菔故名。可熟食。語云。野蘿蔔。生平

陸。匪蔓菁。若蘆菔。求之不難。烹易熟。饑來獲之勝

梁肉。救荒譜

是月採熊膽。陳皮。冬葵子。欵冬花。熊脂。是背上膏

衛矛。卽鬼箭。採條莖陰乾。勿用石茅根。頭似鬼箭。

而上葉不同。

收牛糞。宜多聚。可糞田地。又可燒焚。以煖蠶室。

畜牧

是月天氣積陰。風雪嚴凜。牛宜處之煖燠之地。煮

糜粥以啖之。又當預收荳葉。舂碎而貯積之。以米

泔和糠麩綿餅。及剉艸以飼之。古人有牛衣飯牛

二說。則知牛未嘗無衣與食粟也。農桑通訣

是月恐割蜜過多。蜂饑。可將極嫩雞。去毛及腸肚。

剖開白煮。懸置蜂房內。蜂自食之。力更倍常。明春開看。止存雞骨耳。農遺雜疏

此月抱雞最佳。

羊。以中冬所生之羔。亞于正月者。

狗。以冬臘生者爲上。過夏不臭而無蠅。

避忌

是月日時。不宜用子。犯月建。諸般不吉。

是月夜間。不宜以冷物爲枕。或焙煖枕之。令人目

暗。又云。不宜炮炙飲食。及火焙衣服。雲笈七籤

是月大雪中。跣足做事。不可便以熱湯浸洗。若觸寒而回。寒若未解。不可便喫熱湯熱食。須少頃方可。

是月勿食龜鱉肉。令人水病。勿食陳脯。勿食鴛鴦。

令人惡心。勿食生菜。發宿疾。勿食生韭。多涕唾。勿

食黃鼠。損神氣。勿食獐肉動氣。纂要

是月勿食螺螄螃蠏。損人志氣。長屍虫。

是月初四日。勿責譴下人。大忌。

十一日。不可沐浴。勿以火炙背。

十二日。二十二日。忌裁衣交易。纂要

二十日。不宜遠行。二十三日。不可問疾。

二十五日。為掠剩大夫忌。又冬至以後十日。俱戒

夫頰容止。翰墨新書

是月以後。至臘盡。俱勿食脾腎。及戴甲之物。續博

物志

十九卷終

養餘月令 卷二十

十二月

測候

是月建丑。丑紐也。言終始之際。以紐結為名也。管

謂大呂。大亦陰。呂亦助也。謂陽氣方生。得大陰之

助也。晉樂志

東至牽牛。牽牛者。言陽氣牽引萬物出之也。牛者

冒也。言地雖凍。能冒而生也。又耕植種萬物也。東

至於建星。建星者。建諸生也。律書

養餘月令

卷二十

鳴弋。玄駒賁。納卵。蒜。虞人入梁。隕糜角。夏小正

冬至後十五日。斗指癸爲小寒。陽極陰生。乃爲寒。今月初寒尚少也。後十五日。斗指丑爲大寒。至此栗烈極矣。孝經緯

季冬行秋令。則白露蚤降。介蟲爲妖。四鄙入保。行春令。則胎夭多傷。國多固疾。命之曰逆。行夏令。則水潦敗國。時雪不降。冰凍消釋。月令

小寒之日。鴈北鄉。又五日。鵲始巢。又五日。雉雊。鴈不北鄉。民不懷主。鵲不巢。國不寧。雉不雊。國大水。

大寒之日。雞乳。又五日。征鳥厲疾。又五日。水澤腹堅。雞不乳。淫女亂男。征鳥不疾。國不除兵。水澤不堅。言乃不從。逸周書

是月日月蝕。其方水災。夏麥不收。穀貴。牛多死。趙

國惡。京房占

是月上半月有雪。主來年有黃梅水。

臘日。在冬至後第三戌。如前後有幾番雪。謂之歲前三白。宜菜麥。又主殺蝗蟲。來年大稔。所謂江南一尺雪。可抵十年豐是也。

是月上酉日雨。主春後兩月連陰。霧主來年旱。諺云。臘月有霧露。無水做酒醋。酉日尤驗。

除夜東北風來。年大熟。

年內立春。主冬暖。諺云。兩春夾一冬。無被煖烘烘。

是月朔日值小寒。主祥瑞疊見。值大寒。主有虎害人災。

朔日忌西風。主六畜疫。忌行春令。主多疾。懼仙古疾

除夜取水秤輕重。元日又取秤之。以較兩年之高

下。又聽犬聲。諺云。除夜犬不吠。明年無瘧痢。除夜犬惡鳴。新年多火盜。

經作

是月天道西行。作事出行。俱宜向西吉。月纂

是月也。日窮于次。月窮于紀。星回于天。數將幾終。歲且更始。專而農民。母有所使。月令

是月休農息役。惠必下浹。遂合耦田器。養耕牛。選任田者。以俟農事之起。去豬盍車骨。三歲後合藥。及臘日祀炙筵。樹瓜田中四角。去蟲虫。齊民要術

是月癸丑日造門。盜賊不能進。墨子秘錄

是月子日。曬薦蓆。能去蚤虱。瓊碎錄

是月取猪脂四兩。懸於廁中。入夏一家無蠅。

是月祛寒。用馬牙硝為細末。唾調塗手及面。則寒

日迎風不冷。

是月宜挑溝塘。酵河泥備用。培桑樹土。堆肥泥於

韭上。修榆柳杞杉等繁枝。

是月臘日祀竈。宜用黃羊。後漢陰子方。于臘日晨

炊。見竈神形。再拜。以黃羊祀之。暴至巨富。三世後。

奕世封侯。後漢書

竈神名禪。字子郭。衣黃衣。夜披髮。從竈中出。人知

其名呼之。可除凶惡。宜市猪肝泥竈。令婦孝。雜五行書

行書

是月初六日。天倉開。宜入山修道。臘八日。修百福

齋。二十八日。修迎新齋。內景經

是月初七。初十。十八。二十日。宜拔白髮。法天生意

二十四日。床底點燈。謂之照虛耗也。又取鼠一頭。

燒在於子地上埋之。永無鼠耗。

除夜有行瘟使者。降於人間。以黃紙朱書天行已過四字。貼於門額吉。

除日。掘宅四角。各埋一大石爲鎮宅。主災異不起。又云。取圓石一塊。雜以桃核七枚。埋宅隅。絕瘟疫。

除夜。取椒二十一粒。勿與人言。投於井中。以絕瘟疫。養生要論

除日。以合家頭髮燒灰。同腳底泥。包投井中。呪曰。勅令我家眷屬。竟年不害傷寒。辟却五瘟疫鬼。玄樞經

除夜。宜燒辟瘟丹。并家中所餘雜藥。焚之。可辟瘟疫。

除日五更。抱未痘小兒。於獨槽猪窠內滾過。生痘甚稀有驗。家塾事親

除夜。家奉神佛前。併主人臥室。燃燈達旦。主家宅光明。攢火圍爐。合家共坐。以助陽氣。

藝種

種大麥。此時猶可下種。春來同發。亦同收。但不及早種者爲多實耳。一云宜臘日種。

油菜種於稻田者。此時亦宜加糞鋤壅。春收加倍。若江臯湖泊。一望遍地者。則不必也。是月取蘿蔔根。四破劈。一尺一科。厚上糞。早卽澆之。苗春肥。莖如母指大。煮食益人。

烹製

暗香湯。梅花將開時。清旦摘取半開花頭。連蒂置磁瓶內。每一兩重。用炒鹽一兩灑之。不可用于漉壞。以厚紙數重。密封置陰處。次年春夏取出。先置蜜少許於盞內。然後用花二三朵置於中。滾湯一

泡。花頭自開如生。多能鄙事

餚醋。臘月淨雪。入甕一層。約厚三五寸。再加餚飾一層。又入雪一層。以十斤飾爲度。密封泥固。至來年四月八開。

凍米。宜冬至後。凍於風簷。勿經霜露。

芋頭。唯是月可食。他月食之。發病。本艸

紅魚。用鯽魚去腸。每斤用鹽一兩。醃半日。洗淨去涎。控乾。每斤用鹽二兩。紅麴末三兩。葱絲蒔蘿少許。椒百粒。酒半碗。塗魚上。入瓶封固。五日可食。

煮鰕。用蓮子心同煮。則直。多用酒則甜。

調攝

季冬之月。天地閉寒。陽潛陰施。萬物伏藏。去凍就
溫。勿泄皮膚大汗。以助胃氣。勿甚溫煖。勿犯大雪。
宜小宣。勿大全補。衆陽俱息。勿犯風邪。勿傷筋骨。
是月土旺。水氣不行。宜減甘增苦。補心助肺。調理
腎臟。勿冒霜雪。勿洩津液。及汗。初三日。宜齋戒靜
居。焚香養道吉。孫真人論
是月坐功。勢以兩手聳上。極力三五遍。去脾臟諸

疾不安。依春法行之。

是月生氣在亥。坐卧宜向西北。

大寒早出。含酥油於口中。則耐寒。便民要纂

是月初一初二初八十三十五二十日。宜沐浴。除
夜。以枸杞湯洗浴。令人不病。去災悔吉。雲笈七籤

栽剝

花信風。小寒一候梅花。二候山茶。三候水仙。大寒
一候瑞香。二候蘭花。三候山礬。

培橘法。以死鼠浸溺缸內。候鼠浮。取埋橘樹根邊。

次年必盛。涅槃經云。如橘得鼠。其果子多。柑樹爲蟲所食。取蟻窩於其上。則蟲自去。是月內。將橘樹根。寬作盤。澆大糞三次。至春水澆二次。花實必茂。居家必用。

種柿有七絕。一壽。二多陰。三無鳥巢。四無蟲。五霜葉可愛。六嘉實。七落葉肥大。是月下種。待長移栽肥地。接過則核少。三次則全無核。酉陽雜俎

澆桂樹。以是月。擣猪湯。淀清。候極冷。澆之。甚妙。一云。臘雪高。壅於根。則來年不灌自茂。

是月松檜栢杉。俱可移栽大樹。須廣留土。如一丈高者。留土二尺。樹過高。則土頭過大。用艸繩纏束根上。記南北。運至栽處。深掘穴。先用水足。然後下樹。加乾土。將樹架起。搖之。令土至根底。皆遍。乃解繩。實土。四圍築緊。然後澆水。令足。俟乾。再加碎土寸餘。以防乾裂。勿令風入傷根。百株百活。插柳宜立春之前。又云。二十四日插楊柳。不生蟲。若移大樹。先去其枝稍。大其根盤。沃以溝泥。無不活者。

檀樹是月內分樹傍小株種之。卽活。

壓桑。擇指大枝條。盱相肥澤者。就馬蹄處擘下。潤土內。開溝尺許埋實。自然生根布葉。壓後遇旱。於傍掘口灌之。但取水氣到卽足。忌水多。

栽桑。宜掘深坑。濶二尺。却于坑內。以土糞和成泥漿。以桑根埋定。糞土壅培。微提起。使根舒暢。復用土壅與地平。次日築實。切勿動搖。此亦易生之物。逐月皆可栽。唯十一月栽。卽難活。

條桑。是月爲上。正月次之。蓋以烝脉未上。不損津液。科斫之法有四。一瀝水枝下垂者。一刺身枝。向裡生者。一駢指枝相並生者。一冗脞枝。亂叢生者。科斫如法。則來年葉盛。士農必用。

藥餌

雪水甘寒。是月內以甕盛之。能解天行時疫。一切熱毒。食物本艸。

是月晨起。以蒸餅捲猪脂食之。終歲不生瘡疥。久服肌體光澤。瑣碎錄。

是月。取皂角燒爲末。留起。遇疫。早起以井花水調。

一錢服之効。

是月取烏鴉一二隻。入瓶泥封固。燒爲末。治一切勞瘦骨蒸咳嗽。米飲調下二錢良。多能鄙事。

是月取青魚膽陰乾。如患喉閉及骨鯁者。以此膽少入口中。咽津卽解。

是月取活鼠。用油煎爲膏。敷湯火瘡。滅癩疵極良。
本艸圖經

是月取川烏炒黃。絹袋盛裝酒浸。服少許。可療頭風。法天生意。

是月取猪板油脂。背陰掛。能治諸般瘡疥。敷湯火良。又法。取猪脂一斤。入瓷瓮中。加雞子白十枚。水銀二錢。封瓮。埋亥地上一百日。取治癰疽極良。家塾事親

是月收雄狐膽。若有人無病暴亡。未移時者。急以溫水。研灌此。少入喉中卽活。移時卽無及矣。當預備之。事親書

臘八日。收鱖魚。燒存性。研細。用酒調服。治小兒斑疹不出。卽發。更安懸厠上。不生虫。農桑撮要

是月二十四日。取井花水。平日初汲者。浸乳香數塊。至元旦五鼓。煖令溫。從小飲乳香一豆大。嚙水三口。則一年不染時疫。負暄雜錄

口數粥。是月二十五日夜。用赤苳煮粥。一家之人。大小分食。若出外夜回者。亦留與喫。謂之口數粥。能除瘟疫。辟癘鬼。古其工氏。有不才子。以是日死。爲疫鬼。畏赤苳。故作粥以厭之。田家五行

收採

收諸般青菓。此月臘水。以淨甕罈盛。遇時菓出。用銅青研細末。與果同入臘水收貯。顏色如鮮。凡銀杏。枇杷。林檎。李。青梅。小棗。蒲萄。蓮蓬。菱。梨。瓜。橘。橄欖。芋。薺等。皆可收藏。

收柑橘。擇完好者。將疏風竹筐。鋪墊艸四圍。底下勿令露出。重疊裝滿。安於人不到處。勿令酒氣觸之。收至四五月間。如乾了。取出于柑橘頂土。用竹針簽小孔數十箇。入溫蜜湯內浸半日。其漿自然充滿。如新摘者同。

是月收蘿蔔於窖中。做架倒懸着。蓋却窖口。隨用

隨取。直至明夏心不壞。

收豬脂肪。不特饌食。且留拌桃花。治禿瘡。

收雪水。以臘月者宜貯藏。裱背極妙。

收貯香油。是月香油亦妙。用熬膏藥有神効。婦人

搽頭髮黑光。無蟻蝨。

白鼓釘。一名蒲公英。四時皆有。唯極寒時小可用。

采之熟食。語云。白鼓釘。白鼓釘。豐年賽社鼓不停。

凶年罷社鼓絕聲。鼓絕聲。社公惱。白鼓釘。化爲艸。

已下俱救荒譜

藩籬頭。是月采之熟食。入春則不堪用。語云。藩籬

頭。延蔓艸。傍籬生。青裊裊。今年薪貴穀不收。拆藩

籬煮藩籬頭。

是月采藥。宜採菖蒲。欵冬花。冬葵子。大戟根節。木

蘭皮。鬼箭。兎頭骨。忍冬藤。

畜牧

肥豬法。用管仲三斤。蒼朮四兩。黃荳一斗。芝麻一

升。各炒熟。共爲末。餵之。十二日則肥。一云。用麻子

二升搗破。同鹽一升煮之。和糠飼豬。則立肥。農遺

避忌

是月不宜用丑日。犯月建。作事不吉。

是月勿歌舞。犯者凶。勿食生韭。勿食霜爛菓菜。勿

食蚌鱗鱉蝦鱗虫之物。勿食獐肉。勿食牛猪狗犬

勿食生椒。勿食葵菜。大抵與十一月忌同。勿犯雨

雪。勿傷筋骨。勿妄針刺。

是月勿食猪脾。旺在四季故耳。千金方

是月初七日。不宜水陸遠行凶。二十一日。不可生

疾。月忌

勿嗅臘梅花。多頭痛。試之不爽。

初八日。名王候臘。忌夫婦容止。瑣碎錄

初九日。二十五日。忌裁衣交易。

除夜勿嗔罵奴僕。并碎器皿。仍不可大醉。

養餘月令

卷廿一

蠶

季春之月。省命野虞。母伐桑柘。鳴鳩拂其羽。戴勝
降于桑。具曲植籩筐。后妃齋戒。親東鄉躬桑。禁婦
女毋觀。省婦使以勸蠶事。蠶事既登。分繭稱絲。効
功。以其郊廟之服。母有敢惰。月令

春桑生。而皇后視桑於苑中。蠶室養蠶千薄以上。
祠以中牢羊豕。今蠶神曰。苑窳婦人。寓氏公主。凡
二神。羣臣妾從桑還。獻於繭觀。皆賜從桑者樂。漢

志注

三光。謂白光向食。青光厚。飼皮皺爲饑。黃光以漸住食。三稀。謂下蟻。上箔。入簇也。五廣。謂一人二桑。三屋。四箔。五簇也。蠶經

永嘉有八輩蠶。玩珍蠶三月績。柘蠶四月績。玩蠶五月績。愛珍蠶六月績。愛蠶七月績。寒珍蠶八月績。四出蠶九月績。寒蠶十月績。凡蠶再熟者。前輩皆謂之珍。永嘉記

種蠶。疾老少病。省葉多絲。不唯收却今年蠶。又成就來年桑。種蠶生於穀雨。不過二十三四日老。方是時。桑葉發生。津液上行。其桑斫去。比及夏至。可長月餘。其條葉長。盛過於往歲。至來年春。其葉生又早矣。積年既久。其桑愈盛。蠶自早生。

子在連宜寒。成蟻宜暖。眠起宜溫。大眠後宜涼。向眠宜暗。分擡宜明。初起宜慢飼。向食宜加葉。一日之內。清晨如春。亭午如夏。薄暮如秋。深夜如冬。寒暄不一。在用火與通風。斟酌之耳。連雨極寒。須焚桔葉以逼之。俱韓氏直說

蠶爲龍精。月值大火。則浴蠶種。今人以鹽水沃其種。謂之淹蠶者上也。不浴爲火蚕。次之。癸辛雜志十體寒熱饑飽稀密眠起緊慢者是也。巳下俱務本新書

忌濕葉熱葉。忌西照日。忌賊射風。忌捲掃灰塵。忌煎燂魚肉。忌蠅蚋來撮。忌鼠穴相近。忌毛髮燒褻。忌酒醋香辛。忌春擣鼓擊。忌哭泣叫喚。忌產婦月信。并孝服不潔等事。

原蠶而一歲再登。非不利也。然王者法禁之。爲此殘桑也。有南子

晚蠶原蠶也。古禁之。以其與馬同氣。蠶旺則馬衰也。吳人謂之冷蠶。卽夏蠶。秋蠶是已。夏蠶自蟻至老俱宜涼。唯忌蚊蠅。須設帳以衛之。秋蠶初宜涼。漸漸向暖。但不中縑絲。惟堪綿纈而已。總宜少育。以其損桑也。

三月養蠶。四月老。此常候也。吳地以爲上務。其養之法最精。他處以爲末業。不甚喫緊者。蓋在俗習焉。風土雖殊。物性不異。謹採神隱計。然二書及南

北育養之方次第之以爲必效之法業此者其無
率視之也。致富奇書

擇種

繭種取簇中向陽明淨堅厚者緊小爲雄漫大爲
雌。選置透風房內淨箔上單排。日數旣足其蛾自
出。除去先出爲苗蛾。後出爲末蛾。并拳翅禿眉焦
尾赤肚黑身黑頭無毛熏黃等狀者不用。只揀次
日以後出者鋪連於箔。雌雄相配。至暮拆開雄者
止。將雌蛾于連上勻布。又除去所生子環堆者不

用待其十八日後生足更令連上覆養三五日。于
清晨汲井水浴其連。透去便溺毒氣。遇午日蒲艾
水尤妙。夏秋掛通風房內。不令烟薰日炙。更以蠶
子向外恐其磨損。至冬收好。臘八日。用桑柴灰。或
稻艸灰。淋汁浴之。如貯有雪水尤妙。浴後天朗以
竿懸之。可露一宿。除夕煎馬齒莧水冷定。于元日
五更浴之。驚蟄日浴以淡鹽水。餘日俱收篋箱爲
佳。

置室

養蠶宜先置室。擇于上壬日。修理門。安葦簾。令可
啟閉。牕戶宜白紙新糊。易辨眠起。四角壁下。俱畧
開風竇。以除濕鬱。均火氣。若新泥濕壁。須先以火
焙乾。待其濕熱退淨。乃可擇日安槌。每槌上下。宜
作三層。上承塵埃。下隔潮潤。中箔。以便分擡。須用
切碎軟艸。平鋪爲褥。又揉新綿紙。粘鋪於上。以便
安蠶。室中置火爐一具。蠶母須着單衣。庶知寒熱。
以便添減。大眠之後。剪開紙窗。放入風氣。不令其
病。天氣炎熱。門前置缸。旋添新水。可以生涼。如遇
風雨夜寒。仍宜下簾掩窗。以驅其氣。蠶老入簇。南
方例皆屋簇。北方例皆外簇。俱未得中。惟於寬房
之內。週以木架。平鋪蒿稍。布蠶於上。用蓆箔圍護。
則清涼易結。又無壅闕。而簇病亦除矣。臘月香油
點燈照之。諸蟲不入。

生蟻

蠶生遲速。俱繇自己。看桑葉已生。于辰巳間。取出
舒卷提掇。蠶自變色。日日如之。必須變至十分。先
將葉着懷中。令暖。用刀剪碎。篩於紙上。平鋪器中。

次取連。合於葉上。蟻聞葉香。自下。或過時不下。及緣上連背者。並弃之。切不可用雞毛帚拂掃。以至驚傷。且蟻未下連時。和蟻秤連。記重多少。待其下後。將空連再秤。便知蠶分兩。大約三兩蟻。可布一箔。可老三十箔。

擘黑

下蟻之第三日。巳午時。將所下黑子。擘開紙。如小棋子大。布於箔中。此時蠶室要暖。直待兩眠之後。始可漸涼。

飼葉

凡採葉歸。必疎爽於室中。出風日熱氣。又不可戴雨露濕氣。皆令生病。大率常收三日葉。則無風雨失饑之患。初起自黃而白。則向食。每晝夜飼三十頓。變青則大食。飼四十頓。復變白。則慢食。宜少減。變黃則短食。宜愈減。純黃則停食。謂之正眠。此一眠也。每眠皆如此。候之。飼葉如法。蠶必早老。二十五日老。一箔可得絲斤半。三十日則一斤。四十日以外。則止半斤耳。

頭眠

凡頭眠初起。一晝夜飼十頓。次日漸加。然必十分齊。方可投食。如投早。則參差不齊。先後延悞。此時若值烟薰。則成黑殭。值賊風。則成紅殭。食冷露葉。則成白殭。食曬熱葉。則頭大尾尖。遇狐臭生人。及穢體污厭者。則延亂不食。如知之。急焚香楓箬葉。以解之。

分擡

蠶滋長。則分之。沙煩厚。則擡之。大約住食之時。正宜分擡。去其燠沙。否則先眠之蠶。久在燠底。濕熱薰蒸。變爲風蠶。既擡之後。宜稀布箔上。稠則強者得食。弱者不得。而遶箔遊走。自至傷饑。且柔軟之物。不禁揉觸。小而分擡。人知愛惜。大而分擡。多不暇顧。久堆亂積。遠擲高拋。損傷生疾。作繭稀薄。皆繇於此。慎之。

大眠

大眠初起。最宜飽飼。得絲多少。全在此數日。如葉不足。則以甘艸水灑葉。用菜菔粉。白米粉拌之。每

箔可飼十餘兩。亦可減葉十之三四。且隔一日飼一頓。可解熱毒。又多絲易縲。堅韌有色。北蠶多是三眠。南蠶多是四眠。隨種隨地。各因其性耳。

入簇

十蠶九老。方可入簇。此時晝夜不閒。見有老者。卽送簇上。又薄以細薪覆之。用屋要涼。布蠶要稀。恐熱。則難以成繭也。下繭之後。薄攤涼處。則蛾自遲出。免於押縲相逼。

縲絲

縲絲之訣。惟在細員勻緊。毫無粗節。亦有熟釜冷盆之異。然皆必有縲車絲絰。然後可用。大釜要大甑。置於釜上。入水要滿。甑中用一棍攔斷。可以二人對縲。水須常熱。旋旋下繭。多下則縲不及。但不可冷。盆所縲。潔淨光瑩也。今盆要火。先泥其外。用時添入水九分。宜溫煖長勻。無令乍寒乍熱。可縲全縲細絲。中等繭亦可雙縲。比熟釜者有精神。而又堅韌也。

養餘月令 卷廿二

魚

陶朱公曰。治生之法有五。水畜第一。謂魚也。法以六畝爲池。池中作九洲。求懷子鯉魚。三尺者二十個。牡鯉魚三尺者四個。以二月上庚日納池中。令水無聲。魚必生。至四月納一神守。六月納二神守。八月納三神守。神守者鱉也。蓋魚滿三日六十。則蛟龍爲之長。而將魚飛去。納鱉則魚不復飛。池中週遶九洲。自謂江湖也。至來年二月。得鯉魚長一

尺者萬枚。二三尺者亦近是。至明年可得尺以上者十萬枚。留千枚作種。所餘以供食用。又至明年將不可勝紀也。所以養鯉者。鯉易變化。易長。又不相食也。居家必用

凡鑿池養魚。必以二。有三善焉。可以蓄水。可以取用。可以解泚。魚遭鴿糞則泚。自糞多則泚。漚麻魚池則泚。俱以圍汁解之。池不宜太深。深則水寒而難長。唯池之正北。宜特深。魚必聚焉。則三面有日。易於長養。池傍有芭蕉露。可以解泚。有棟樹子。可

以飽食。有葡萄架。可以免雀糞。有芙蓉樹。可以辟水獺。魚小時。艸必細飼。一日兩番。須有定時。但不宜撩一切水艸。恐有黑魚鮎魚等子在艸。長則善食魚。凡池之蘓。相傳一夜生七子。太密則魚皆鬱死。必去其半乃佳。農圃四書

凡育魚之所。須擇泥土肥沃。蘋藻繁盛爲上。然必多方設法。以防獺害。自可多魚。此必然之效也。今人但上江撈取魚種。塘內畜之。飼以青艸。歲可及尺。亦可供用。設若魚遭毒翻白。急疏去毒水。別引

新水入池。多取芭蕉葉搗碎。置新水來處。使吸之。則解。或以溺澆池面。亦解。農桑通訣

養魚法。掘小池。方一丈。深八尺。底又作小池。方五尺。深二尺。用杵築實。畜水至清。前後于魚苗出時。買鱧魚。鱣魚苗。長一寸上下者。每池鱧六百。鱣二百。每日以水荇帶艸喂之。無艸時。可用鹹蛋殼食之。常時積下。至此時用之。冬月尤宜。令魚并泥食之。不散游。至端陽後。以夏布撈起。選去雜魚。另掘大池。方數丈。至十數丈者。于二三月內。去水曬半

乾。栽荇艸於內。栽完入水。迨艸長。以選淨魚入其中。養之。至冬可得二三觔。每月用艸一擔。如過冬無艸。可豫積下舊艸薦。置僻處溺之。至此時剉細。以泥土和艸成團。置池中。令魚夾泥食之。最忌池瘦傷魚。令生虱。須以松毛。遍池中浮之。則除。農遺

雜疏

一法。作羊捲於塘岸上。安羊。每早掃其糞於塘中。以飼艸魚。而艸魚之糞。又可以飼連魚。如是。可以損人打艸。但魚畧有微滯耳。須擇背山面湖。山聚

水曲之處。掘築方圍大塘。以收水利。塘內有九洲八谷。如同江湖。納蝦蟹螺螄爲神守。使魚相忘相若。自以爲在江湖之中。日夜遊戲而不息矣。

塘式

塘十畝。穿心約百步。四面皆同。內造九墩。八墩爲八卦方位。立符牌。中墩造八角樓亭。擇何日起。豎此日值何宿。卽以此宿名。書後符立牌。九宮符牌。皆以石刻朱書。上塑龍王供奉。月月有祭。依法修造。無不應矣。若有活水爲上。乾則加之。滿則除之。

築塘須擇良年。月日時下手。築完放水令滿。下魚種亦在生門放。如庚申壬子。卽坤方下種。訣曰。庚申壬子在坤方。壬戌庚子是離鄉。甲寅丙辰巽宮位。癸卯辛未艮中藏。乙酉辛丑還坎位。巳未丁亥九上當。只依生門下種子。莫教死路值危亡。

九符

右九符。迺九宮立定八卦方位。謹依此式。書石鐫碑。建於各洲之上。以爲主宰。則魚晝夜生生而不息也。仍須大塘之傍。築數小塘。大塘魚多。取而置

之小塘得遂寬縱之性。亦可便於取用。是亦生產之一道也。

又一法。魚池可用九畝。或七畝。內立十洲三島。魚晝夜五方遊。清晨遊東方。其池東可壩丈許深。以甃石壘。梁屹嶇作十洲。勿出水面。日中南方。可壩至泉。再深取三處如井之狀。名曰三島。使魚寒暄得所。日西遊西方。止深二三尺。多栽蒲柳之類。使魚馳騁於花影之中。黃昏遊北方。可深七八尺。多留藻。魚止於此。夜半居中。深四五尺。作明水。其魚朝星斗。池中築一臺方二丈許。立一突如烽燧狀。中藏狗毛骨糞。與乾柴艸相間。積於突中。外立一走線於其內。若或有暴風雨。速將走線點着。突中柴艸等煙起。龍來使穢煙觸之。乃養鯉魚法也。若鯖魚等。不必立突。

金魚附

養金魚。土池甃甃最佳。水土相和。萍藻易茂。魚適其性。出沒於中。自有一種天趣。勿種蓮菱。唯置一二石。栽蒲艸其上。外列梅竹桃桂。影沁池中。洵可

樂也。一云近土氣則色不深紅。須以大鋼爲妙。魚生多在穀雨後。雨微則隨雨生。雨大則截雨脚生。只看雄雌趕咬。卽其候也。咬罷魚子跌盡。卽取艸映日看之。其上有子如粟米大。色如水晶者卽是。將艸另置一鋼。止用二三寸水。置微有樹陰處曬之。不見日不出。日烈亦不出。魚出如針細。久而漸大。春魚子色雖雜。日久俱變。

喂大魚用無油鹽蒸餅。清明已後方可喂之。不可用雞鴨卵黃。則中寒而不子。魚翻白及水有沫須頻換新水乃妙。若盡浮水而是鋼底熱爲雨徵也。魚過冬須以大甕埋地內。僅留寸餘在外。編艸苦爲蓋。雨雪及霜夜覆之。晴爽不覆。遇嚴寒甕上有寸餘薄水。則魚過歲無疾。

橄欖肥皂及諸色油入水皆能爲害。石灰鹽滷鴿糞自糞及楊花入口。皆令魚汎。急取新水易之。其甚者搗碎芭蕉葉根。及以新磚投圍中飲足。入鋼卽解。魚瘦生蝨。身有白點。則用白楊或丹楓皮投鋼內亦愈。

養餘月令

卷廿三

竹

昔人以海苔爲紙。今無復有。今人以竹爲紙。亦古所無有也。付子過。

嶺南人。當有媿於竹。庇者竹瓦。載者竹筏。書者竹紙。戴者竹冠。衣者竹皮。履者竹鞋。食者竹筍。爨者竹薪。真所謂不可一日無此君也耶。俱坡公集

戴凱之竹紀品類六十有一。黃魯直以爲竹類至多。竹紀所類皆不詳。欲作竹史不果成。羣芳譜

竹有雌雄。雌者多筍。故種竹半擇雌者。欲識雌雄。當自根上第一枝觀之。雙枝是雌。種卽出筍。若獨枝者是雄。不甚繁茂。又冬至前後各半月。不可種植。蓋天地閉塞而成冬。種之必死。若遇火日。及西南風。亦不可。志林

竹宜高平之地。黃白軟土爲良。春初。斲取西南向陽者。莖并引根。大掘科本。芟去稍葉。於園中東北角種之。以東北根老。西南根嫩。而竹性又喜向西。南行也。掘坑深二尺許。覆土厚五寸。以稻麥二糠。

各自糞之。不用和雜。只宜連陰雨中栽之。不用水澆。水澆則淹死。勿令六畜入園。恐風搖動。須著架縛之。余比見五月種者亦佳。留莖種者。被風搖動。多不滋茂。但去根一尺餘。截斷準上法埋栽。令露竹頭。當年生筍。踐殺之。明年轉益大。又踐殺之。至第三年。長出麓大。一抽數丈。夢溪忘懷錄

杜少陵詩云。東林竹影薄。臘月更宜栽。解之者曰。麥以四月爲秋。竹以六月爲臘。是云宜六月也。又黃山谷詩云。根須辰日劚。筍看上番成。則又用辰

日矣。諺云：種竹無時。雨過便移。多留宿土。記取南枝。隨宜參用。斯爲得之。農政全書

深種。淺種。稀種。密種。謂之四法。深種者。用河泥壅培。須要高厚。淺者。以墩置地上種之。不必掘潭。稀者。每墩須隔三四步。地虛易於行鞭。密者。須擇竹叢三五枝一墩者移來。此亦巧妙語。乃善種法也。
種樹書

凡種竹處。當積土。令稍高於傍地尺許。則雨潦不浸損。錢塘人謂之竹脚。蓋竹根皆長向上。添泥覆之。爲佳。

又一法。先將竹斫去本。止留二三寸。填上硫黃。在管內。覆轉。根反居上。用土覆之。當年生筍。大率移來竹本。單枝難活。須一叢數竿。乃可。

齊民要術云。五月十三日。爲竹醉日。岳州風土記。謂之龍生日。宜種竹。宋子京種竹詩云。除地墻陰。植翠筠。疎枝茂葉與時新。賴逢醉日。元無損。政自得全於酒人。一云。要不間年出筍。用本命日。謂正月一日。二月二日。三月三日。之類。又云。五月二十

日爲上。或云不必五月。每月二十日皆可。月庵種竹法。用深濶掘溝。以乾馬糞和細泥。填高二尺。無馬糞。確糠亦可。切忌猪糞。不可用之。夏月稀。冬月稠。然後種竹。須三四莖作一叢。亦須土鬆。淺種。不可增土於株上。若用鋤頭打實泥。則不生筍。打一。則一年不生。打兩下。則二年不生。羣芳譜

栽竹。五六月時。舊筍已成。新筍未行。此時可移。先期兩三月。或半年。去竹本一二尺。以鋪斷其根。仍舊以土覆之。數澆之。至期移卽活。然先後俱忌搖動。先去竹稍。以架護之。尤妙。宜馬糞拌土栽之。不用作泥漿水栽。又忌槌打。忌腳踏。又引筍法。埋死猫犬於地。明年筍生至此。

竹根好穿堦砌。以皂角刺。或芝麻稽。官桂末。埋砌中。則竹根止此。瑣碎錄

竹復死曰箝。山海經曰。竹生花。其年便枯。竹六十年易根。易根必花。結實而枯死。實落復生。六年而成。町子作蕙。似小變。其治法。於初米時。擇一竿稍大者。截去上節。止留近根三尺許。通其節。以糞實

之。則滿林俱止。

竹生花生實。輒滿林枯死。此有二病。其一處獨生者。竹園必久。根多蟠結。唯將園地宿根。掘起一握。間留一段。掘者使鞭舒暢。留者存其本根。自然復盛。又有遍地皆然者。或兆水信。或傷水滂也。此則不必掘動。但薄加河泥覆之。依然故林矣。農遺雜疏

二月食淡竹筍。四月食苦竹筍。其欲作器者。經年乃堪使。未經年者。軟嫩不中用。

竹留三去四。謂三年留。四年者伐去也。竹以五月前血忌日。及三伏內斫者。不蛀。蓋竹之滋澤。春發於枝葉。夏藏於榦。冬歸於根。如冬伐竹。經日卽裂。自首至尾。不得全完。夏伐之最佳。但鞭皆爛。然要好竹。非盛夏伐之不可。七八月猶可。自此滋澤歸根。而不中用矣。

斫竹宜七月。蓋秋初氣全。則堅韌。宜辰日。庚午癸卯日伐之。諺云。公孫不相見。子母不相離。謂隔年方可伐也。居家必用。

諸品

箒竹。南荒生之。長數百丈。圍三丈六七尺。厚八九寸。可以爲船。其笋甚美。可療創瘍。物類相感志
棘竹。一名箆竹。節皆有刺。數十種爲叢。南夷種以爲城。堅不可攻。或自崩根出。大如酒瓮。縱橫相承。狀如縲車。食之人髮盡落。

篋笋竹。出篋笋國。皮薄而空。徑不餘二寸。皮上有粗。可爲銼子。銼甲利勝於鐵。若鈍。以漿水澆之。快利如初。亦可作箭。

箇簾竹。箇大如脚指。腹中白膜攔隔。狀如濕麪。將成一而筒皮未落。輒有細虫齧處。成赤跡。似繡畫可愛。

慈竹。夏月經雨。滴汁下地。生蓐。似鹿角。色白。食之下痢。

筋竹。南方以爲茅刃。笋未成竹。堪爲弩弦。

百葉竹。一枝百葉。有毒。

桃枝竹。東官有蕪地。西接大海。有長洲多桃枝竹。緣岸而生。

瘦竹。東維近溪。忽有竹生。瘦大如李。

羅浮竹。羅浮有巨竹萬千竿。連至岩谷。圍二丈有餘。有三十九節。節二丈許。南方以竹爲甌。類見之矣。

童子寺竹。唐李衛公言。北都童子寺。有竹一窠。纔長數尺。相傳其寺綱。每日報竹平安。

孝竹。杭產。冬則筍生叢外。以衛母寒。夏則筍生叢內。以涼母熱。其竹幹可作釣竿。叢生可愛。

黃金間碧玉竹。產成都。竹身金黃。每節直嵌翠綠一條。不假人爲。出自天巧也。

碧玉間黃金竹。杭產。竹身全綠。每節直嵌金黃一條。亦天成也。二竹絕妙。

雪竹。廣西產者。斑大而色紅。如血有暈。

柯亭竹。生雲夢南。以七月望前生。明年七月望前伐。未期伐則音浮。過期伐則音滯。

龍公竹。大徑七尺。一節長丈二尺。葉若蕉。出羅浮山。

鳳尾竹。纖小猗那。植盆可作清玩。

丹青竹。葉黃碧丹相間。出熊耳山。

蘄竹。楚中蘄州出。以色瑩者爲簞。節疎者爲笛。帶鬚者爲杖。唐韓愈詩。蘄州笛竹天下知。鄭君所寶尤瓌奇。携來當晝不得卧。一府爭看黃琉璃。

斑竹。卽吳地稱湘妃竹者。其斑如淚痕。亦有二種。出古辣者佳。出陶虛山中者次之。土人裁爲筴。甚妙。間有大如甌者。杭亦產之。但不甚佳。

方竹。澄州產。洞庭亦有之。體如削成。勁挺可堪爲杖。亦不讓張騫筴竹杖也。桃源山中亦有。但郵傳雜沓。不堪斬削耳。寧彼志云。葛仙翁煉丹於定海靈峯。植竹筴。因化爲方竹。

鈹竹。西蜀所產。下有尺許花文可愛。卽邛竹也。

猫竹。一作茅竹。又作毛竹。幹大而厚。異於衆竹。人取以爲舟。

雙竹。修篁嫩篠。對抽並胤。王子敬謂之扶竹。

笏竹。出兩江。筍生叢密。節間多刺。民居植之。以當藩籬。宋新州守黃濟。以州治無城。募民環植。山竹雞犬不能穿入。必笏竹也。

櫻竹。廣之東西咸產之。葉如棕櫚。但性畏寒。不宜於他。

桃竹。古姚有之。似棕竹。而花紋粗。質鬆。色淡於櫻竹。蜀中貨至者多。以作畫竿。妙甚。一名桃絲竹。紫竹。色紫黑。可作笙簫笛管。諸用。各地俱產。故雅玩者多畜之。

